

COLLEGI JURIDICI DECANVS
GVIL. HIERONYMVS
BRVCKNERVS,
ANTECESSOR JENENSIS

DE
MAGICIS PERSONIS
ET ARTIBVS

differt,

ET EAS OMNINO DARI OSTENDIT,

Von zauberischen Leuten und Künsten/
daß solche wahrhaftig anzutreffen / und nicht
in einer blossen Einbildung bestehen /

occasione Legis 6. C. de Malef. & Mathem.

A

NOBILISSIMO JURIVM CANDIDATO

JO. REINHARDO WEGELINO

LINDAVIA ACRONIANO

Solemni lectione, quam cursoriam vocant, explicandæ

Die IX. Maji M DCC XII.

*Nunc vero, ob materia raritatem, ut Desideriis multorum
satisfieret,*

REC. clo lo cc xxiii.

Fa

BRITISH MUSEUM

7441
B 94

7441
B 94

A.579328

A. 579338

JO. FELINHARTO
FIND IN ALKOHOL
FIND IN ALKOHOL

3000

LIBRARY

me



DE
MAGICIS PERSONIS
ET ARTIBVS.



Larissimus noster Candidatus
interroganti mihi, quem tex-
tum Lectione Inaugurali ex-
plicandum elegisset, indicavit
l. 6. C. de malef. & mathem.
qua de maleficis hominibus
eorumque magicis artibus agitur; unde mihi
nata est occasio, de Magicis personis & earum
artibus, à multis Neotericis Magni nominis Vi-
ris in dubium vocatis aut prorsus negatis dis-
sendi, & existentiam earum ostendendi. Non
capit angustia programmatis justam tractatio-
nem,

nem, quam alii tempori, si DEVS vitam & vires largietur, reservabo; brevibus solum thesibus mentem meam includam, & quidem sequentibus (1) principii loco ponendum: Quicquid scriptura sacra dicit, & sanæ ratione convenientissimum est, & à viris prudentissimis invenimus approbatum, & experientia omnium fere temporum & locorum confirmatur, illud negare non debemus. A. Dari Magicas personas & artes scriptura sacra dicit, & sanæ rationi &c. E. Per Magicas personas intelligo tales, quæ pactum ineunt cum Diabolo, vi cuius abdicato DEI fœdere & cultu obsequium illi pollicentur & præstant, ut vicissim Diabolus ipsis gratificetur, & opem ferat maxime in miris quibusdam effectibus producendis; artes autem magicæ sunt ejusmodi media, quibus Diaboli auxilio miros illos edunt effectus. Facessant jam Athei similisque furfuris homines, scripturæ sacræ auctoritatem contemnentes, cum mea probatio potissimum hac nitatur, quamvis istud hominum genus vel sola experientia, rectæ rationi non repugnante, queat refutari, sicut hanc in rem meretur legi Excellentissimi JCti Lipsiensis *Caroli Ludovici Romani*

Romani doctum Schediasma, expendens quæstionem: An dentur Spectra, Magi & Sagæ? Ad fortius stabiliendam sententiam meam quadruplum necto vinculum, Scripturæ, Rationis, Assensus Prudentum & Experientiæ, nec è censu prudentum temere quis excludet Viros, quorum consilio summi Imperantes in Legibus adversus Magos latis fuerunt usi. (2.) Existere malos Angelos, Diaboli voce à me indicatos, tam certum est è sacris, ut ipse *Balthasar Beckerus*, qui hodie agmen ducit negantium Magos, & ad eludenda clarissima scripturæ loca instar Polypi subinde in novas se vertit formas, largiri hoc cogatur. (3.) Diabolum vagari per totum terrarum orbem, & omni studio pernitiem hominum quærere, docet cum tristissima experientia (de qua inferius plura) tum passim scriptura sacra e. g. *Job. I. 7. II. 2. I. Pet. V. 8. Jacob. IV. 7. Apoc. XII. 9. 12.* Conf. summi Theologi & Reverendissimi Abbatis *Breithauptii* Programma de Protevangelio; frustra hic à *Beckero* objiciuntur duo textus ex *II. Pet. II. 4.* & *epist. Jud. vers. 6.* ubi referuntur mali Angeli detrusi ad Tartara & constricti catenis tenebrarum; sicuti enim sancti Angeli ser-

vientes piis in hoc mundo *Psal. XXXIV. 8. Hebr. I. 14.* ubique circumferunt cœlum, dum beatissimo DEI ubique præsentis fruuntur aspectu *Matth. XII. 10.* ita mali à DEI salutari exclusi consortio, & pœnis subiecti æternis, etiam tunc, quando grassantur in terris, circumferunt infernum tartareosque sentiunt cruciatus. Ideo autem catenis describuntur alligati, quia instar bestiarum catenis constrictarum non possunt ulterius excurrere & nocere, quam vincula ista pertingunt, hoc est, quousque à DEO licentiam nanciscuntur, uti hoc clarissime patet ex historia *Jobi cap. I. 11. 12. & cap. II. 5. 6.* ita quoque mali spiritus ejecti ex obsessis, quos Salvator liberavit, non potuerunt in gregem porcorum & suum irruere, eumque in mare præcipitare, donec precibus à Salvatore veniam impetrarent *Matth. VIII. 28. & seqq.* Imo ipse *Beckerus* in *Mund. Fascin. lib. 2. cap. 20.* cum omnem navasset operam, ut genuinum sensum historiæ *Gen. III.* everteret, tandem clarissimis victus N. T. dictis rem ipsam (quod Diabolus primos seduxerit parentes) fateretur, ast modum se ignorare contendit §. 25. 26. 27. Cur igitur non concedit quoque similem sedu-

seductionem posterorum Adami & Evæ, licet modum explicare nesciat? Deinde (4.) quasi vires Angelorum bonorum & malorum exacte perspectas haberet, urget continue, quod Angeli tanquam Spiritus non possint agere in corpora, cum tamen sacræ literæ passim contrarium innuant. Annon Angelus in castris Asfyriorum una nocte 185. millia hominum cecidit? *Es. XXXVII. 36.* Alius superbum Herodem Regem percussit, ut vermibus arrosus miseram animam efflaret? *Act. XII. 23.* Alius è cœlo profectus saxum grande movit de sepulchro Jesu, & se custodibus fœminisque conspiciendum præbuit, & cum his locutus est *Matth. XXVIII. 4. 5. 6.* Iterum alius pulsavit Petri latus, ut è somno expergefactus, è carcere Hierosolymitano exiret? *Act. XII. 7. & seqq.* ubi v. 9. graphice additur: Petrus ignorabat, tale quid revera per Angelum agi, ratus quippe, solum per visionem quid repræsentari. Nihilominus *Beckerus* præconcepta laborans opinione per Angelos ista peracta fuisse contra manifestam literam negat, nec admittit, per spiritus malos in ante citato exemplo sues aquis fuisse submersas; scilicet modum operandi spirituum malorum in corpore.

corpora capere vel non vult, vel non potest, & tamen operationes ipsas inficiari audet. Expo-
nat nobis modum, quo Diabolus agit in animas
hominum, eas seducendo ad peccata & facino-
ra, uti testantur tot scripturæ loca (e. g. *Luc. XI.*
v. 24. & c. XXII. 3. Job. XIII. 2. 27. Act. V. 3.
Apoc. XII. 10.) an rem ipsam negabit? Nos ho-
munciones ex imbecillitate nostra non possumus
læpe res sensibus obvias & manifestissimas assequi
(v. g. qua ratione fiat, ut animæ hominum vel
brutorum sua corpora moveant, & ex imo in al-
tum per gradus tollant) & tamen de Spiritibus
separatis & substantiis completis asserere volu-
mus, quod hoc vel istud præstare nequeant; u-
bi autem DEVS in verbo revelato claris verbis
dicit, quod per Angelos bonos vel malos talia
patrentur, hoc negare *Beckerus* non veretur, &
tam misere torquet verba in alienum sensum, ut,
si ejusmodi interpretatio foret licita, nihil tam
planum sit & perspicuum, quod non hac ratio-
ne queat in dubium vocari aut prorsus negari.
(5.) Toties boni Angeli apparuisse hominibus,
& verba fecisse ad ipsos leguntur; etiam cum
Salvatore diabolus locutus eumque aliquot vi-
cibus

cibus tentasse fertur *Matth. IV. 1. & seqq. Marc. I. 12. 13. Luc. IV. 4.* (quæ contra tentationem Christi, à diabolo profectam, objiciuntur, tam violenta & contorta sunt, ut primo statim intuitu seipsa refutent) quid obstat igitur, quo minus & hodie in forma humana vel alia se conspiciendum præbere & verba miscere cum hominibus queat? (6.) Dum diabolus non erubuit à Christo expectere, ut se velut DEVM adoraret *Matth. IV. 9. Luc. IV. 6.* nulla ratio apparet, cur non idem ab hominibus quibusdam exigere possit. Tunc autem maxime adoratur, quando homines renuntiant fœderi divino, & se tanquam mancipia eidem addicunt, quod contingit in pacto diabolico. Tale quid fieri posse, nemo facile ob jam dicta inficiabitur; nihil obest ex parte DEI, malos justo judicio deserentis, & arbitrio diaboli permittentis, nihil ex parte diaboli, omni voto pactum istud desiderantis, nihil ex parte malorum hominum, diabolicam opem sæpe palam implorantium, & se obsequio ejus devoventium. Superbissimus est spiritus, qui Adamum & Evam falsa persuasionem seduxit, quod DEO prorsus similes forent, & qui ab asleclis pro DEO vult

adorari. Hunc in finem nihil gratius ipsi est, quam si homines à DEO & divinis præceptis averſi ſuperſtitionem ſequuntur, & cogitationibus in creaturis defixi hærent, non reſpicientes creatorem ſummum omnium rerum arbitrum & moderatorem. Sic diabolus pro DEO colitur, & non poteſt id melius efficere, quam per Magicas perſonas ipſum adorantes, & alios in ſuperſtitionem trahentes. (7.) Vidimus quid fieri poſſit, quaeritur jam, quid reapse contingat. Variis modis diabolus ſe manifeſtat; jam enim exhibet ſpectra, tot teſtium ſenſibus uſurpata, ut, ſi negare illa velis, nihil certi ferme remaneat in rebus humanis, jam per hariolos, quales inter Zingaros (den Ziegeunern) reperiuntur, præteritos & aliis incognitos caſus accurate recenſet, jam immunes quosdam ab ictibus & plagis præſtat (durch das Feſte-machen) jam quosdam tenet obſeſſos, ut in omnium oculos incurrant ejus operationes, e. g. manifeſtationes rerum occultarum, jam peculiariter venatoribus quibusdam adſiſtit in capiendis feris, & quis omnes recenſebit modos? Immorabimur ſaltem noſtro inſtituto, & probabimus, actu inveniri Magicas perſonas, quæ vi pa-

obs

cti

Et cum Satana initi miros producant effectus. Tales olim erant Magi in Ægypto, qui paria cum Mose facturi projecerunt baculos, serpentum formam induentes *Exod. VII. 11. 12.* aquas fecerunt cruentas *v. 20. 27.* ranas magno numero exhibuerunt *cap. VIII. v. 7.* in pediculis tamen sistendis defecerunt ipsorum artes *v. 18.* unde agnoverunt digitum DEI *v. 19.* h. e. ingenue fassi sunt, licet pediculi sint animalcula, diabolo alias in fascinationibus familiaria, quod DEO tamen inhibente non potuerint ista sistere, & sic manifesto apparuerit DEI virtus & efficacia. Si non opediaboli sed peritia rerum naturalium Magi Ægyptii talia effecissent, in defectu pediculorum non dixissent: Hic est digitus DEI, sed potius hanc causam allegassent: superat nos Moses in arte rerum naturalium; & cur hodie sagacissimi Physici summo longissimo meditandi spatio non similia præstare possunt, qualia Magi Ægyptii extemplo patrarunt? Si vero Magi glaucomata saltem spectatoribus objecissent, (uti *Beckerus* arbitratur) nulla subest ratio, quare non æque quoad pediculos & alia sequentia miracula, ac antecedentia, ranas, serpentes & aquam cruentam oculos spe-

DE MAGICIS PERSONIS

Et tantum fallere potuerint. Conspicuum erat dig-
gitus DEI vel maxime in eo, quod in pediculis
& sequentibus miraculis diabolus & per eum Ma-
gi non similia facere valuerint, verbis & facto re-
stati, limitatam esse satanæ potentiam, nec citra
DEI concessionem ullatenus quid valere. Hodie
quot miros effectus produnt Magicæ personæ?
Si peritiæ rerum naturalium hos adscribis, expli-
ces quælo, unde fœminæ illiteratæ & plebejæ, ve-
nificii suspectæ, talem sibi compararunt, quæ vel
doctissimi Physici sæpe destituuntur? Eodem ple-
rumque modo in his & peregrinis locis nocent
alii Magi & Sagæ, quæ fit autem, ut commerci-
um nullum invicem habentes tam miros & con-
cordantes edant effectus, quorum causæ natura-
les nec à peritissimis Physicis inveniri possunt?
E confessione Magorum & Sagarum constat, re-
vera intervenisse pactum inter has personas &
diabolum. Ex actis enim observavi, in diver-
sis & invicem longe dissitis regionibus Magicas
personas, aliquando sponte citra tormenta, ali-
quando torturæ subjectas, ferme eadem enunti-
asse v. g. quod diabolus ipsis apparuerit quidem
in forma humana, sed plerumque habens mon-
stro-

strosū quoddam membrum, (pro pede aut brachio humano ungulam equi aut bovis,) quod expresse desideraverit, ut renuntiarent foederi in baptismo cum DEO inito, & se ipsi addicerent, quod aqua impura Magicas personas rebaptizaverit, quod foeminæ rem veneream cum ipso exercentes membrum ejus frigidum expertæ fuerint, nec magnam è congressu ejus senserint voluptatem, quod post concubitus diabolicum non conceperint homines, sed erucas aut alios vermes, quos editos in lucem combusserint & in pulverem redegerint, ad damna inferenda ex præscripto diaboli adhibitum. Nihil frequentius accidit, quam ut rixas cum aliis foventes Magi & Saggæ minentur, & statim post minas inferant damna prorsus insolita & præternaturalia. Si jam Saga plebeja & illiterata post rixas & minas uni, alteri & pluribus eodem modo nocet, & in remota regione alia saga, cum illa nullum commercium habens, simile damnum infert, quod nec peritissimi Physici imitati possunt, nec causam ejus præter diaboli operationem invenire, annon hoc recte pactioni diabolicæ iinputatur? Aliquando diabolus mediate per Magos & Saggas, a-

liquando immediate hominibus damna creat, ceu patet ex historia *Jobi*, dum Arabas & Chaldaeos excitavit, pecora & armenta pii viri abigentes, mox per tonitrua & fulmina greges ovium perdidit, mox vento & turbine domum à liberis inhabitatam funditus evertit, mox ipsius *Jobi* corpus ulceribus vexavit. Non ita pridem in vicinitate dictavimus militi capitalem poenam, qui ex pacto cum diabolo multa mala patraverat, tandem malefactis & sermonibus suis proditus aperuit magistratui inquirenti crimen, & gratias Deo egit maximas, quod ipsum liberarit è potestate Satanae; in ipso quoque agone, ubi gladio per carnificem erat feriendus, lætum animum ob agnita peccata sua præsetulit, & omnes circumstantes, inter quos & filius meus fuit, serio hortatus est, ut caverent sibi à fraudibus diaboli, nec paterentur sibi persuadere, non existere diabolum, cujus tyrannidem & fraudes miser ipse satis fuerit expertus. Non erat homo atræ bilis, aut melancholicus aut simplex, sed à pueritia semper insignem calliditatem, ferociam & hilaritatem ostentaverat, prout æquales ejus testabantur. (8.)

Crimen atrox est Magia, quando quis expresse
renun-

renuntiat foederi divino, & seper pactum addicit diabolo, vi cuius postea effectus edit, & quandoque aliis damna infert, unde DEVS *Exod. XXII. 18.* legem tulit: *Sagam non patiaris vivere.* (Vox, quæ in genere foeminino hic usurpatur, alio loco *Exod. VII. 11.* in genere masculino de Magis Ægyptiis adhibetur. Cur autem DEVS solum præcipit de foemina Saga, & non etiam de masculo, ut non patiamur talem vivere? Resp. Experientia testatur, plerumque Satanam seducere sexum imbecilliores ad hoc facinus, sicut hostis hic humani generis infensissimus consultius duxit, prius Evam tentare & seducere; quare Apostolus Paulus *1. Tim. II. 14.* Adam, inquit, *non est seductus, sed mulier seducta in transgressione fuit.*) Si per Sagam hic intelligeretur foemina, naturalibus solum mediis alteri damnum inferens, DEVS ipsi generaliter non statuisset poenam capitalem, sed arbitrio iudicum reliquisset, qualem pro ratione circumstantiarum censerent esse infligendam. Non enim omnis, qui citra commercium cum diabolo alteri naturali ratione nocet, protinus necari debet. Etiam harioli jubentur è medio tolli & lapidibus obrui *Levit. XX. 27.* si pactum non

non intercederet cum diabolo, ex quo divinatores arcana consulentibus revelarent, non dari posset solida ratio, cur lapidibus tales personæ, sive foeminae sive mares essent, obrui deberent, quia qui è physiognomia, chiromantia, astrologia aut similibus artibus naturalibus aliqua enuntiant, non statim capitis poenam merentur, nec peritissimi Physici hodie callent artem, qua præteritos & futuros occultos casus tam exacte referre possunt, uti faciunt Zingari & aliæ personæ Magicæ plebejæ rerumque naturalium non adeo peritæ. (9.) Igitur defendentes sententiam, quod non inquiri debeat in personas Magicas, nec poena contra illas exerceri, aperte contradicunt sanctioni divinæ de tollenda illa hominum peste & sentina. Multi poenas æternas, post mortem inferendas, & in sensus nostros jam non incurrentes parum vel nihil curant; infami autem poena capitali, Sagis à Magistratu statuta, valde terrentur, ut non facile alios in consortium sceleris invitent, pertrahantque. Si nulla poena vel non adeo gravis ob hoc facinus lumeretur, brevi contagium illud in quibusdam locis longe lateque serperet; ubi dolenda potissimum est conditio teneræ

teneræ juventutis, à parentibus malis magno numero seductæ. Anno 1697. ex arce Altenstein sub Ducatu Meinungenſi habuimus Acta in noſtro Collegio, ubi puella 15. annorum nuptias cum diabolo in monte vicino (Lobberg) præſentibus multis Magis & Sagis celebraverat, quas aperuit frater ejus puer paucorum annorum tutori, in cujus domo cum ſore vivebat, & nuptiis illis interfuerat. Tutor rem detulit ad magistratum, hic citavit puellam, quæ comparens diu negavit factum, tandem ſponte confeſſa eſt crimen iisdem circumſtantiis, quas frater recenſuerat; diabolus comitatus fuerat puellam in judicium euntem, & dehortatus eam à confeſſione prædixit fore, ut confeſſa mortis pœnam non evitaret. Indicavit hoc puella magistratui, & addidit, quod mater iplam adhuc infantem devoverit diabolo, ſed poſtea moriens valde deploraverit ſuam & filiæ ſortem, hancque monuerit, ut precibus à DEO efflagitaret gratiam. Nos puellæ nullam decrevimus pœnam, ſed commendavimus eam curæ piorum clericorum. Multa adhuc memoratu digna ibi contingere illo anno. Aliquot Magicæ perſonæ, à puero & puella nomi-

C

mina-

minatae, quod nuptiis praesentes fuissent, non hoc indicio solo, cui parum fidendum esse novimus, sed aliis longe gravioribus detectae capitis luerunt poenam, & solemnitates nuptiarum illarum descripserunt, uti puer ille & puella. Fuit quoque inter illas personas vir, qui torturae subjectus petiit, ut paulisper removerent tormenta. Cum morem gereret Judex spe concepta, quod crimen sit confessurus, nihil aperuit, sed clausis oculis verba fecit de pecunia sua probe custodienda; vix haec elocutus fuerat, ubi eum extinctum viderunt; Judicii Director simul cum duobus Scabinis testatus est, quod cervicem ejus fractam deprehenderit, quoniam caput facili negotio circumagi, & vultus in dorsum retro verti potuerit. Alius vir, qui praesens illis nuptiis fuisse dicebatur, tormentis subditus risit per omnes torturae gradus, nec ullum doloris sensum edidit; postea dimissus dixit, quod durante tortura nullus ipsi majorem creaverit molestiam, quam Clericus, ad veram & seriam poenitentiam ipsum hortatus, & sic non tam indigne tulit Carnificis quaestionem, quam Clerici piam admonitionem. Eodem anno 1697. & in illo judicio arcis Altenstein

stein contigit, ut foemina ob Magiam suspecta in carcere inveniretur mortua, cujus cervix etiam deprehendebatur fracta, antequam torturae subiceretur: nam vultus ejus distortus in tergo haerebat. Praecipitaverat illa filium impuberem in profundam foveam, & hac ratione misere interemerat, quia noluerat nomen dare Magicæ societati, in quam fuerat à matre perductus. Consuluerunt Magi & Sagæ diabolum, quid faciendum censeret, ne à puero proderentur, & svasit infernalis spiritus id, quod mater postea perfecit. Inventum est pueri cadaver in fovea. Plures personæ ob Magiam in lucem protractæ & deinde supplicio affectæ, quæ interfuerant stygiæ illi societati, recensuerunt iisdem circumstantiis detestandum id factum. Sed, ut dixi, mater pueri, priusquam fateretur, mortua in carcere fuit reperta. (10.) Nemo sanus diffitebitur, multas intervenire fallas imaginationes, in quibus promovendis, ut Magiam totam prorsus reddat suspectam, artificem se præstat diabolus. Ita tempore Mosis, ceu supra vidimus, per Magorum Ægyptiorum præstigias miracula Mosis in dubium vocare annisus est; DEVS id ex justo judicio per-

misit, quo ambitiosi Pharaonis cor magis induresceret. Tanta est Principis infernalis versutia, (experientia 5000. & plurium annorum roborata,) tanta ejus potentia (cum toto suo regno amicissime conspirans) ut, si DEVS catenas ejus solveret, eique libertatem plenam indulgeret, nos omnes turpiter confunderet, & in vertiginem præcipitaret, e qua non pateret exitus. Non omnia vero ipsi licent, nec nihil. Circumspectione igitur summa opus est præsertim (n.) quoad indicia, Magiam monstrantia cautionem adhibeamus, ne aliqua, omni probabilitate non carentia, tanquam fallacia prorsus rejiciamus, sed etiam, ne temere illis credamus v. g. quod Saga viderit hanc personam in conventibus Magicis, quod hæc persona schedulam penes se habeat, in qua pactum cum diabolo sanguine suo scriptum invenitur, quod per noctes aliquot absens fuerit, nec possit dicere, ubinam fuerit commorata, quod tempestates grandines tonitrua & fulmina excitaverit, quod stigmata magica in corpore gerat, quod in tormentis nullum doloris sensum edat, quod corpus sæpe habeat plagis & verberibus male affectum, nec causas veras adferat,

ferat, unde malum hoc provenerit, quod alius per foramen januæ inspectantibus locuta fuerit cum aliquo in conclavi, qui evanuit magno fœore relicto, quod parentes ejus tanquam Magi à Magistratu ad capitale supplicium fuerint rapti, quod vindictam minata fuerit, & statim damnum præternaturale secutum, quod aliquoties Draconem volantem & in domum involantem plures fide digni observaverint, quod pediculi fuerint immissi. Hæc & similia indicia non semper fallunt, sed circumstantiæ sunt attendendæ; ita indicium de pediculis junctum aliis non negligi debet, si statim post rixam & minas evenerit, si non semel sed aliquoties & diversis hominibus à suspecta persona id contigerit, si numerus & proventus pediculorum fuerit insolitus, ut, licet his vexati spectantibus aliis nova indusia novasque vestes sumserint, confestim tamen etiam in his numerus ille insolitus insectorum comparuerit, si his vexati moverint querelas & dixerint, quod tale factum magistratui denuntiare velint, & sermone isto à suspecta persona cognito pediculi omnes simul evanuerint. Optarem, ut, qui de indiciis Magicis tractant, ante recensita & similia non ge-

neraliter rejicerent, aut probarent, sed medium
 servantes usum & abusum eorum rite discerne-
 rent, ne Defensores & his oppositi Fisci Procura-
 tores, dum provocant ad celebres Doctores,
 immerentem apud imperitos Judices applausum
 sibi conciliarent. Sicuti enim pleraque delicto-
 rum indicia, generaliter spectata, pro ratione cir-
 cumstantiarum aliquando fallunt, aliquando cum
 aliis sumpta fidem faciunt, ita se res habet cum su-
 pra dictis Magicis indicis. Prudentia judicis ad-
 sit necesse est, quæ vel minimam attendit circum-
 stantiam, in re tam ardua magnum momentum
 sæpe habentem. (12.) Ante tempora Lutheri Pa-
 pa in multis locis cognitionem de crimine Magiæ
 ad ecclesiasticum traxit forum, & Deputatis suis
 in Germaniam missis injunxit, ut in illud inqui-
 rerent & animadverterent, ceu constat ex c. *sum-
 mis 4. de malef. & incantat.* in septim. quamvis
 in c. *acousatus 8. §. sane de heretic.* in 6to. expres-
 se sancitum reperiatur, quod *Inquisitores hereti-
 cae pravitatis ab Apostolica sede deputati non debe-
 ant se intromittere in cognitionem de divinationi-
 bus aut sortilegiis (nisi hæresin manifeste sapiant)*
sed eos relinquere suis iudicibus puniendos. Occa-
 sionem

sionem tamen aliqui ex hac constitutione arripuerunt distingvendi inter sortilegium hæreticale & non hæreticale vid. *Farin. de hæres. qu. 81.* Alii crimen sortilegii statuerunt esse fori mixti, & posse de illo cognoscere Judicem secularem quoad Laicos, ita tamen ut præventioni sit locus *Pirring. in Method. Jur. Can. ad tit. Decret. de Sortileg. fol. m. 321.* Quia vero Magiam communiter habuerunt pro Apostasia à fide Christiana, & hanc retulerunt ad forum ecclesiasticum, plerumque soli Clerici, & ex his Inquisitores hæreticæ pravitatis sibi vindicarunt ejus cognitionem, qui non servato juris ordine, prout ipsis æquum videbatur, aut affectibus ducebantur, omnia expederunt, & sic magnos excessus commiserunt. (13.) Etiam post Lutherum inter Protestantes abusus non defuerunt, ad quos evitandos utile foret, si summi Principes viris piis, prudentibus & experientia instructis mandarent, casus ambiguos resolvere, accuratam formam Processus contra Magicas personas formandi præscribere, & pœnas infligendas pro diversitate circumstantiarum determinare. (14.) Ut persona ob Magiam suspecta, præsertim infimæ conditionis, in carcerem

rem ducatur, & contra eam inquisitio formetur, non tam multa & urgentissima indicia requiruntur, quia, si deprehenditur innocens, è carcere dimittitur, & hoc sinistram ejus famam non tam auget quam minuit; si vero criminis non est infons, prodeunt facilius omnes, qui hactenus damna senserunt, & metuerunt, ne, si Magicæ personæ resciscerent quid de accusatione aut denuntiatione, vindictam exercerent horrendam. Urgentissima vero & certissima indicia adesse oportet ad torturam decernendam; &, si ullo in delicto, certe in hoc svaderem, ut Defensor Accusatis vel Inquisitis innocentiam allegantibus adjungeretur, qui salarium in causa pauperum acciperet è Fisco, & solícite omnes circumstantias examinaret. (15.) Num recte summi Principes impunitatem promittant & servant Magis, qui ante Inquisitionem adversus eos institutam sponte accedunt Magistratum, & profitentes crimen signa edunt sinceræ poenitentiae, aliis judicandum relinquo. Certe affirmanti sententiae non adeo repugnarem, si Magi alios maleficio suo non interemerunt, aut insigne damnum non intulerunt; maxime digni sunt misericordia, qui à parentibus

bus seducti in hanc inciderunt calamitatem. Omnem ex charitate Christiana operam navare tenemur, ut infelices animas à faucibus Satanæ liberemus. Restat nunc, ut de Clarissimo Candidato nostro

JO. REINH. WEGELINO

pro more quædam dicamus. Patriam nactus est Lindavium Liberam S. R. I. Civitatem splendissimam, anno M DCLXXXIX. d. XXI. Aprilis in lucem hunc editus. De Patre sibi gratulatur Viro Excellentissimo JO. CHRISTOPHORO VVEGELINO, Lindaviensis Reip. Consule, Senatus Belli Præside & Consistorii Ecclesiastici Assessore spectatissimo; de Matre autem Matrona insigni, nomine & reipsa FELICITATE, JO. CONRADI CASPARTI, Patriæ Reip. Secretioris Consilii quondam Assessoris gravissimi Filia. Non minimam Felicitatis suæ partem esse arbitratur, quod utroque Parente gaudeat adhuc vivo. Quinque annorum puer ad Scholam patriam missus capacis ingenii specimina edidit, dum brevi tempore cancellos classium inferiorum emensus ad superiores justa promotione adscendit. Inter Scholæ Præceptores

D. laudat

laudat fidem & diligentiam Viri plurimum Reverendi M. CONRADI RISCHII, Verbi divini Præconis & Rectoris dignissimi, à cuius ore per sex annorum spatium, & quod excurrit, pendit. Nec parum se profecisse in Mathesi fatetur è lectionibus maxime Reverendi M. JO. GAVPII, Pastoris & Mathematici celeberrimi. Dignus postea fuit habitus, qui ad Studia Academica dimitteretur; præ aliis Universitatibus elegit nostram Salanam, cui An. M D CC VII. d. XXIII. Martii nomen daret. Ne autem illotis quasi manibus irrueret in Sacra Themidos, Philosophicas primum disciplinas excolere cœpit, in Historicis, Arte Heraldica, Re Nummaria & Literaria sectatus Magnificum Pro Rectorem STRUVIUM, in Physicis & Mathematicis Excellentissimum Professore HAMBERGERVM, in Physica Experimentalis Experientissimum Doctorem TEICHMEIERVM, in Historia scriptorum Rerum Allemannicarum Nobilissimum Bibliothecarium RICHARDVM, in toto Philosophiæ cursu, ad ductum Summi Reverendi Theologi BVDDEI, Clarissimum M. MVSIG. Deinde se contulit ad Juris studium excolendum, in quo


laudat


laudat acroales practicas Illustris Consilarii Intimi VVILDVOGELII, & explicationem accuratam Institutionum Juris Magnifici Consilarii FRIESII. Inter Privatos Doctores celebrat Consultissimos Viros KRESSIVM & BECKIVM, quorum ille suum Syntagma, Compendium Lauterbachianum, Schilteri Jus Canonicum, Titii Jus Feudale, & Schvvederi Jus Publicum, hic Struvianam Jurisprudentiam & Jus Naturæ juxta Pufendorffii Principia exposuit. Disputando etiam in Cathedra publica tribus vicibus strenuum se gessit Præside laudato STRUVIO, dum materias Juris publici ventilando proposuit I. de Regno Arelatensi & Accessoriis Regni Germanici. II. de Reservatis Imperatoris & Juribus cum Electoribus communibus. III. de Comitibus Imperii Universalibus & particularibus. Cum ita quinquennium absolvisset magna diligentia, pariterque morum svavitate omnibus se probasset, ad summos Jurium Honores adspiravit, quare Facultatem nostram Juridicam decenter rogavit, ut eum ad consveta admitteremus Candidatorum Juris Examina. Morem gessimus honestæ ipsius petitioni, & talem invenimus, quem dignum ju-

dicaverimus, ut in publicum produceremus ad
edenda eruditionis specimina Inauguralia. Quid
præstiterit in Historiarum & Juris publici studio,
egregia Disputatione propediem ostendet. Cra-
stina luce habebitur Lectio Cursoria, cui ut Ma-
gnificus Dominus ProRector, Patres Academiae
venerandi, Hospites omnium ordinum honora-
tissimi cum Generosa & Nobilissima Studiofo-
rum Corona interesse velint, officiose rogo
precorque. P.P. Jenæ d. VIII. Maj.

M D C C X II.

(L. S.)





dicaverimus, ut in publicum produceremus ad
edenda eruditionis specimina Inauguralia. Quid
præstiterit in Historiarum & Juris publici studio,
egregia Disputatione propediem ostendet. Cra-
stina luce habebitur Lectio Cursoria, cui ut Ma-
gnificus Dominus ProRector, Patres Academiæ
venerandi, Hospites omnium ordinum honora-
tissimi cum Generosa & Nobilissima Studiofo-
rum Corona interesse velint, officiose rogo

precorque. P.P. Jenæ d. VIII. Maj.

M D C C X II.

(L. S.)



